

# Penghuni teratak senget

Metro 12/6/12 MSZ.

Warga emas, anak dan 4 cucu hidup daif dalam pondok hampir roboh dengan pendapatan hasil kerja kampung

**METRO  
PRIHATIN**

>>Oleh Yahya Awang

am@hmetro.com.my

**T**AIPING: Seorang wanita warga emas menagih simpati orang ramai bagi membaiki pondok didiami di tepi sungai berhampiran Ulu Sepetang, di sini, sejak 30 tahun lalu yang semakin senget dan hampir roboh.

Pondok usang itu yang dibina menggunakan kayu terbuang dikutip pemiliknya, Asmah Din, 69, terus menjadi tempat wanita uzur itu berlindung berikutan kemiskinan yang dialami.

Asmah berkata, pondok usang itu didiami bersama

anak perempuan dan empat cucunya sejak sekian lama.

Menurutnya, dia tidak berniat untuk berpindah kerana rumah itu saja tempat dia mencari rezeki dengan melakukan kerja kampung.

“Saya berharap ada pihak sudi membantu membaiki pulih rumah yang dibina menggunakan kayu terbuang dikutip dari kawasan projek perumahan berhampiran.

“Kami memang hidup miskin dan tidak berupaya membaiki pulih rumah usang kami ini,” katanya.

Sementara itu, anak warga emas itu, Jemilah Bahar, 38, berkata, dia mempunyai empat anak yang perlu ditanggung dengan pendapatan tidak menentu melalui hasil kerja kampung.

“Pendapatan sebulan ada ketikanya tidak sampai RM300 menyebabkan anak



**DAIF...Asmah (kanan), Jemilah (kiri) dan anak-anaknya di pondok mereka.**

tidak lagi dapat meneruskan persekolahan.

“Kami berharap ada pihak sudi menghulurkan bantuan bagi kos membaiki pulih rumah yang agak uzur ini serta

menampung kos sara hidup kami,” katanya.

Menurutnya, ada cadangan supaya mereka memohon mendapatkan rumah Projek Perumahan Rakyat Termis-



**HAMPIR ROBOH... keadaan pondok Asmah di pinggir sungai.**

kin (PPRT) di Lembah Beriah, Bukit Merah, namun dianggap menyukarkan mereka untuk mencari sumber pendapatan.

“Saya berharap boleh di-

benarkan tinggal di tanah rizab milik Jabatan Pengairan dan Saliran (JPS) ini dan rumah yang kami duduki dapat dibaik pulih semula,” katanya.